

Դրօն գործի անցնելուց առաջ, կազմել էր մի ծրագիր, որով առաջարկում էր կարճացնել ռազմաճակատը. դրաււած վայրերի ժողովուրդը և պաշարից այն մասը, որ հնարաւոր է, տեղափոխել Կովկաս, մնացած պաշարը ոչնչացնել և զօրքերը յետ քաշել ու դրաւել մօտաւորապէս Զիւլին—Կարադերքենտ—Գլըչ Գեաղուկ—Թափառիզ գիծը, ծայրայեղ դէպքում և Մակուն՝ Ալաշկերտի երկաթուղին պահելու նպատակով: Դրօն համոզւած էր, որ դրանով առաջը կառնւի ճակատի զօրամասերի քայքայման և օրաւոր անող դասալքութեան, իսկ միւս կողմից, կուժեղացւի Կարսը: Բացի այդ, նա առաջարկում էր կազմել մի բրիգադ Դիլիջանի ուղղութեամբ, որ պէսզի պապային, երբ ճակատի գործերը անյաջող գնան, կարելի լինի շարժել Գանձակի և Ղարաբաղի ուղղութեամբ և միանալով Բագուին՝ ապահովել հայ ժողովրդի գէթ մարդկային գոյութիւնը:

Այս առաջարկութիւնները շուրջ տեղի ունեցան բոլոն վիճարանութիւններ. դէ՛մ արտայայտեցին ո՛չ միայն քաղաքացիական գործիչները, այլ և զօր. Նազարբէգեանի ու զօր. Ղորղանեանի պէս զինւորական հեղինակութիւններ, որոնք կարծում էին, թէ էրզրումի յանձնումը հոգեբանական ահագին հարւած կը լինի հայ ժողովրդի ու հայկական բանակի համար:

Թիֆլիսից Դրօն անցաւ Երեւան, ուր այդ օրերին կազմակերպւում էր Հայկական Կորպուսի մէկ դիվիզիան, որի հրամանատար նշանակւած էր զօր. Սիլիկեանը: Վերջինիս օգնական և բրիգադայի հրամանատար էր զօր. Դանիէլ բէգ Փիրումեանը: Երեւանի նահանգում էին գտնւում և Պարսկաստանից քաշւած 4րդ դունդը՝ հրամանատարութեամբ գնդ. Յովսէփեանի (էջմիածնում), 6րդ դունդը՝ հրամ. գնդ. Մելիք-Մուրադեանի (Աշտարակ), 3րդ դունդը՝ հրամանատարութեամբ գնդ. Յովսէփեանի (Էղբայրը) Դիլիջանում էր: Այս վերջինս յետոյ փոխադրեց Թիֆլիս: Գնդերում իշխում էին զինւորական կոմիտէները. բոլշեւիկեան ուղին տիրող էր և նրանց մէջ: Ամէն օր պահանջներ էին ներկայացնում:

Թէ զօրամասերի մէջ տիրող անիշխանական տրամադրութեան վերջ տալու և թէ նահանգում ծայր տւած անկարգութիւնները զսպելու նպատակով Արամն ու Դրօն անհրաժեշտ գտան ստեղծել առողջ զինւորական մի կորիզ, որի վրա յենւած կարողանային մաքրագործման ու խաղաղութեան գործը դնել իրական հիմքերի վրա: Այդ նպատակով Դրօն յանձնարարեց կազմել մի հետեւակ բրիգադ և մի ձիաւոր դիվիզիօն: Դրօն իսկոյն գործի կանչեց հմուտ խմբապետներ Բաշ Գառնեցի Մարտիրոսին, Սոսրով Եգիպագրեանին և յանձնարարեց նրանց՝ ստանձնելով ուսանելի թողած 800 ձիերը՝ ձեռնարկել կամաւորների հաւաքման: Երկու օրւայ ընթացքում հաւաքեցին աւելի քան 200 զինւորներ, մեծ մասամբ կամաւորական շրջ գնդի նախկին մարտիկներից: Միաժամանակ կոչ ուղղեց սուրմալուեցիներին, և ահա դէպի Երևան շարժեցին զինւորներ ու սպաներ՝ սպայ Սահակեանի ու սպայ Շաւարչեանի ղեկավարութեան տակ: Մի շարաթւայ մէջ կազմեց 6 վաշտ հետեւակ՝ պարտիզանական գնդի, իւրաքանչիւր վաշտը 200 սևին, և երկու ձիաւոր հարիւրեակ՝ Սոսրովի ու Մարտիրոսի, որոնցից առաջինը ուղարկեց